




نارنج وادستان

حامد ۱۳۳۶



بر کون پیر فسیلی مجموعه مباحث
پاک چوق آرا نیر اور نه ده مجموعه بولنیز

اجند شرف خدمت اجدادی فراموش
آمارینه اسلافك رغبت اولنیز

حاله ایش باشنه کلنجه نه لر یاپدقلری کوریلان و یاخود اوتنه دئیری
مأموریتده بولندقلری حالده وظیفه لرندن و حتی اداره بیتیه لرندن عاجز
قالان برطاقم عاجز و حریص آدملری کوردیککنز و کچیردیککنز تجربه لر
اوزرینه مبعوث انتخاب بیورمیه جقلری حقنده پک بیوک حسن ظن
طاشیققدمیم .

نامزدلکی اعلان اولتان بو عهد عاجز حقنده اجرا ایدم جککنز
تحقیقات و یاخود اجرا ایتمش اولدیغکنز تدقیقات اوزرینه بنی مبعوث
انتخاب ایدوب ایتمه مک ید اختیار کزده بولندیغندن بو بایده برشی دیمه .
یالکنز بنی مبعوثلغه مناسب کوردیککنز حالده دنیا نك هیچ برخسین
حاله رغبت ایتمیوب ترقی وطن و ترفیه اهالی و سلامت مصلحت
نامه چالیشه جغمی و شاید اخلال حقوق ملک و ملت یولنده برحالی
کورور ایسه کنز هم بنی دنیاده توینجه همده آخرتده پیغمبر افندم نك
حضورنده « یاربی بوقولک بزمه ایتدیکی عهد و پیمانك حکمنی اجرا
ایتمدی » دیه حقمنده جناب رب العالمینه شکایت مآذون بولندقلری
عرض ایدرم افندم حضرتلری

استانبول اعالیٰ محترمه سی طرفندن مبعوث
نامزدلکی وضع اولتان
علی امیری

کیچن نسخه دن اعتباراً نشرینه باشلادیغمز پرتو پاشا مقاله سنك مابعدی :
ایشته پرتو پاشانك اصلی سادات علویه دن واجدادی دخی علمای
مشهوره دن اولدینی حالده عجبا بوزوقلی عاکف پاشانك اصلی ونسلی
کیمدر واجدادینی قاج کوبکه قدر صایه بیلور .
کوریلورکه پرتو پاشا قریملی دکلدر . فرض بحال اوله رق قریملی
دخی اوله عجبا قریملی اولمق انسان ایچون برشینمیدر ؟ قریملیلر
جلادت و قهرمانلقلریله مشهور برقوم نجیبدر . عصرلرجه مدت روسیه

دوانه کې قوی بردولته غزا وجهاد ایتش بر اسلام حکومتی اولوب
بو قومك دولت عثمانیه په پك چوق خدمتی سبقت ایتش اولدینی تاریخاً
مثبت بر کیفیتدر .

عاکف پاشانك پرتو پاشا حقنده قریلی دیسی مشارالیهك شانه
هیچ بر نقیصه ویره من ایسه ده قریملیلر حقنده دخی تفوهات لسانیه ده
بولنسی نفاق آلود بر خطادر .

پرتو پاشانك پدري ابراهیم افندی اغیادن بر ذات ایدی . دار یجده
ایکی چفتلکی اولدقدن بشقه بر چوق ایراد وعقار صاحبی ایدی . بر
سنه یاز رمضاننده اوشاغنی برابر آلهرق چفتلکنه کیتمش وعودتنده
آت اوزرنده و آرقه سنده بولان اوشاغنی طرفندن صائم اولدینی حالده
شهید ایدلمشدر .

پرتو پاشانك ولادت ۱۲۰۰ حدودنده دار یجده قصبه سنده در پدريك
وقعه شهادتندن متأثر اولان والده سی آرتق دار یجده اقامت ایده مبهرك
مخدوملری اولان پرتو پاشا و برادری امین افندی ایله دیگر چوجققرینی
آلهرق استانبوله کلوب طوبخانه ده دفتر دار یقوشنده بر خانه ده ساکن
اولهرق چوجققرینك تعلیم و تربیه سنه اعتنا ایلشدر .

دفتر دار ابوالفضل محمد افندی جامع شریفی حظیره سنده پرتو
پاشانك والده سی و بر چوق اقرباسی مدفون والیوم مزارلری موجوددر .
پرتو پاشا ای بر تحصیل کوردیکی کې مکمل بر ذکایه دخی مالک
اولدینی جهتله عربی و فارسیده ید طولاً صاحبی اولدقدن بشقه شعر
وانشاده دخی هر جهتله امثال واقرائنه فائق بر ادیب محترم ایدی .

پرتو پاشا حین صباوتنده علوم ابتدائیه کسب وقوف ایلدکن
صکرة اوزمان فندقلیده ساکن مشاهیر علمادن (فدا افندی) دن
ودها سائر بعض فضلاى بنامدن فارسی و عربی تحصیلنه دوام ایلش
وتحصیلنده ثبات ایدرك منطق ، بدیع ، بیان ، فقه ، حدیث و تفسیر کې

علوم عالیہ و آلیہی علی الاصول اکمال ایلہ اخذ اجازتہ موفق اولمش
وطریق صوفیہ دخی سلوک ایدرک اکتساب کمالات معنویہ ابلشدرد.
مؤخرآ شعر وانشایہ دخی سعی و اقدام ایدرک بر چوق آثار وجودہ
کتیرمش ایدی .

اوزمان مشارالیہ بر طرفدن تحصیل علم و معرفت ایلر و دیگر
طرفدن دخی باب عالیہ رؤس قلمنہ مداومت ایدردی . بعدہ مکتوبی
صدارت ودها صکرہ لری آمدی اوطہ سنہ داخل وخواجگان رتبہ سنہ
نائل اولمش ایدی .

مشارالیہ صباحلری باب عالیہ کلور ایکن یول اوزرنده بولسان
برارنبوددن اکثریا سمید وپنیر آلہرق قلمده تنفس اوطہ سنہ یر
ایمش . ینہ برکون سمید آلدقن صکرہ یاننده پاره بولنماسندن ویاخود
بوزوق اولمامسندن وایچہ برزماندن برو مرقومدن آلیش ویریش
ایتمسندن دولایی اوکون یاننده پاره اولمدینی ایچون سمید اثمانی ایرتسی
کونی ویرہ جکفی تکلیف ایلمسہ قارشو سمیدجی (مادامکہ پاره ک یوقدر
او حالده قازانده اویله آل) دیمش وسمیدی ویرہ سی یه ویرمامشدر .
بومعاملہ پاشای مشارالہک غایت کوجنہ کیتدیکی واونورینہ دوقوندینی
جهتله تا ملکیہ مشیری اولنجه یه قدر اونوتماشمش ، برکون خدم
وحشمیلہ تصادفاً مرقومک دکاننک اوکندن کچرکن مذکور وقعہ
خاطرینہ کلسیلہ سمیدجی دکاننک اوکندہ آنک باشنی چکهرک یاننده
بولنان قواص باشیسی موسی آغایہ سمیدجی نک چاغرلمسنی امرایلمشدر .
زواللی سمیدجی فوق العادہ تلاش ایدرک همان کلوب پاشانک آیاقلرینہ
صاریلہرق برقصوری واریسہ عفو اولمنسی نیاز وایترحامندہ بولنمشدر .

برتو پاشا مرحوم کولہرک د جانم تلاش ایتمہ سنک برقصورلدیوق
هانیا فلان وقت بن سندن سمید پنیر آلیر ایدم . برکون پاره م یوق
صکرہ ویرہ یم دیدم . سنده قازانده اویله آل دیمش ایدک . ایشته بن

سمید پاره سنی قازاندم کتوردم، دیه رک سیدجی به برچوق آلتون ویرمک
صورتیله انعام واحسانده بولنه رق خاطرینی تطیب ایتدیکنی قواس
باشیسی مونی آغا حکایه ایلردی .

پرتو پاشا حفیدی محمد عطا . (مابعدی وار)

مکتوب

مجموعه والالرینک کچنکی نسخه سنده پرتو پاشا حفیدی محمد عطا
بک افندی حضرتلرینک مکتوب عالیرنده پرتو پاشا کوله لرندن سیاهی
شیخ سعید افندیدن بحث اولدینی صرمده زیربنه نوط اوله رق :
« سیاهی سعید افندی : فاتح جوارنده طاهر اغا درکاهی پوست نشینی اولدی ،
« علمادان و معمریندن بر ذات ایدی وفاتی ۱۳۰۰ حدودنده در ،
دینلمشدر . مرحوم سیاهی سعید افندی طاهر اغا درکاهنده بالفعل
مشیخته بولنمیوب سیدولایت درگاه شریفی پوست نشینی بولدینی حالد .
۱۲۸۶ تاریخندن ۱۲۹۷ سنه قدر علاوه وظیفه اوله رق طاهر اغا
درکاهی مشیختنده وکالتله بولنمشدر . وفاتی دخی ۱۳۰۰ حدودنده اولیوب
یوزباشی متجاوز اولدینی حالد . ۱۳۲۰ سنه سنده در فی الحقیقه مشارالیه
صلحادن وحافظ کلام الله ، عارف وکامل بر ذات اولدیغندن وسیله
رحمت اولمق اوزره بیلدیکم قدر ترجمه احوالی مختصر صورتده تحریر
واهدا ایلورم .

پرتو پاشا کوله لرندن سیاهی شیخ سعید افندینک

ترجمه احوالی

سیاهی شیخ سعید افندی اصلاً سودان اهالی محترمه سندن ایدی .
قید اسارتہ گرفتار اوله رق مدینه منوره یه کتیرلش واورادن پرتو پاشا
مرحومک دائر سنه کچمک مخدومی جمال الدین بک خدمته تعیین
ایدلمشدر .